

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Tertia. Textus: Misericordiam volo. Thema: Misericordiæ operibus,
fit Deus propitius.

[urn:nbn:de:hbz:466:1-51763](#)

IN FESTO S. MATTHÆI
APOSTOLI.

CONCIO TERTIA.

Misericordiam volo. Matth. cap. 6.

*Textus.*Misericordiæ operibus, ad gratias dandas, *Thema.*
vel maximè Deus movetur.

Sacra Scriptura exordior *Exordium.*
thema assumptum: *Misericordia, & veritas te non deserant, & circumda eas*
gutturi tuo, & describe in tabulis cordis tui, & in-
venies gratiam, & disciplinam bonam coram DEO.
& hominibus. Salomon Proverbiorum 3. v. 3. Et iterum cap.
22. Prov. v. 9. Qui pronus est ad misericordiam, benedicetur.
Et Prov. 11. Benefacit animæ sua, vir misericors. Tandem &
Christus fatetur: *Beati misericordes, quoniam ipsi misericordiam*
consequentur. Matth. 5. Audiamus Patres: *Nulla omnino res Patres,*
est, que Dei benevolentiam perinde conciliat, ac misericordia.
docet S. Gregorius Nazianz. orat. de paup. amore. *Juvatur* *S. Gregorius*
co. servus, & gratiam refert Dominus, largitor temporalium, hæ-
res efficitur aeternorum. inquit S. Leo Papa Serm. de Quadrag. *S. Leo.*
Beati illi, qui subveniant miseris, quoniam eis rependitur, ut
per misericordem Dominum de miseria liberentur. S. Augustinus *S. Augustinus.*
de Serm. Domini. Et iterum hom. super Joannem: *Ante oculos*
Dei, nunquam est manus vacua à munere, si arca cordis plena
est bona voluntate. Non memini me leguisse malâ morte mor-
tuum, qui libenter opera charitatis exercuit, habet enim multos *S. Hieronymus.*
intercessores, & impossibile est, multorum preces non audiri. scri-
bit

(Kk) 3

bit S. Hieronymus in epistola ad Nepot. Per misericordiam
S. Chrysost. pauperum, misericordiam paremus, ut possumus esse de pœna libe-
ri, deque salute securi. perorat S. Chrysostomus hom. 8. Omnia
S. Ambrosius summa Christiane discipline, in misericordia, & pietate est, ni-
hil tam commendat, quam misericordia. concludo cum S. Am-
brosio de officiis. Plures Patres qui legere cupit, legat in Domi-
nicali meo super Dominicam 8. Pentec. Concionem tertiam. Nunc
DEI gratia invocata, in materiam præsentem, audiamus Dic-
cursus.

CONCEPTUS I.

Confirmatio. S. Bernardus tom. 5. §. 6. ex regio Psalmista, misericordia quiduplicem gratiam prædictit: Psalmus David sic habet: *Dominus conservet eum, & vivificet eum, & beatum faciet eum inter terram, & non tradet eum in manibus inimicorum ejus. Conservet eum;* indicat gratiam conservatricem, *conservet eum:* id est, Deum ipsum misericordem, & suos, ac sua, à mille infortiis conservabit, & vivificet eum; ecce gratiam longa vita temporis, juxta dictum S. Apostoli 1. ad Tim. cap. 4. Promissionem habens vitie, que nunc est; & beatum faciat eum in terra: signatur gratia donationis, cum vita longa, dabit Deus misericordia, divitias, opes, & honores; & non tradet eum in manibus inimicorum ejus: ostenditur graria liberans: liberabit Deus misericordem à peccatis, à pœnis, & à malis cunctis. Audiatur S. Maximus hom. 1. de eleemosyna: *Quamvis pollutus, quamvis multis criminibus circumseptus, si eleemosynas feceris, innocens esse ce-
pisti, vide ergo, que sit misericordia gratia: una & sola virtus
cunctorum est redemptio peccatorum.*

CONCEPTUS II.

Deus fatetur, & promittit Psalm. 180. *Gloriosa dicta sunt
de te, memor ero Rabab: Magna gratia, si Princeps aliquis, subdi-
ti recor-*

ti recordetur, memor vivat, cum alicujus memorem vivere, idem sit ac gratis fovere: quod nunc Deus promittat se Rahab memorem esse, promittit & gratiis ei addicatum esse. Si vitam Rahab consideretis, erat haec foemina in civitate Jéricho prostituta meretrix, quae ergo gloria dicta de Rahab, ob quam Deus memorem se ejus vivere, ei benefacere, elargiri gratiam promittit? opus illud gloriosum Rahab, fuit opus misericordiae, ita liber Ioseph cap. 2. *Recepit exploratores*, peregrinos suscepit hospitio, omnem bonam voluntatem eis exhibuit, & hoc gloriosum illud factum Rahab, ob quod Deus se memorem promittit esse, gratia largissimam exsolvit, cum hanc Rahab Duci ex stirpe Iuda desuper in uxorem elocari ordinaverit, de qua Tribu Christus IESUS natus est.

CONCEPTUS III.

Magdalena binis vicibus balsamo unxit Christum, in domo Simonis Leproxi, Lucæ cap. 7. & iterum Matth. 26. effudit balsamum quam odoriferum super caput IESU. Primum unctionem non adeo extollit IESUS, maximè vero deprædicat unctionem secundam: *ubique prædicatum fuerit hoc Evangelium in toto mundo, dicetur quid haec fecerit.* Quod Deus adeo laudat, & per universum mundum deprædicari ordinat, ut potè maximis favoribus dignum opus estimatur? unde tanti meriti facta est secunda haec unctio Magdalenæ? advertite: Prima unctio, in domo Simonis leproxi, unctio fuit charitatis: afferente Christo: *disiisti multum.* Lucæ 7. Secunda unctio, fuit unctio misericordie, & commiserationis, iterum Christo teste: *Mittens enim hac, unguentum hoc, in corpus meum, ad sepeliendum me fecit.* Sepelire mortuos, est opus misericordiae; opus ergo misericordiae Magdalenæ tantum estimatur, opus misericordiae, superexaltat charitatem, misericordia opera, prima erunt in gradu, prima in premio.

CON-

CONCEPTUS IV.

Matthæi cap. 25. narratur: Christum venturum Judicem, ita exorsurum suum Judicium: *Venite benedicti Patriis mei*, p[ro]p[ter]o. *dete paratum vobis regnum, à constitutione mundi.* Qui erunt benedicti, quæ classis? an charitativi Patriarchæ, Prophetæ, Apostoli? an constantes martyres, an castæ virgines? Hi omnes erunt benedicti, sed omnium primi in gradu, in ordine, in numero, erunt misericordes, ut ex textu sequenti patet: *Venit benedicti &c. esurivi enim, & dedistis mihi manducare.*

CONCEPTUS V.

Joannes Apocalypſ. cap. 1. narrat: se raptum in cœl[um] gaudia vidisse 7. candelabra aurea, in medio septem candelabrorum aureorum similem filio hominis, qui habebat in dexterâ sua septem stellas. Filius hominis, quem Joannes vidit, est Christus in gloriâ. Per 7. candelabra aurea intelligit D. Bonaventura in Dial. salut. titul. 7. c. 4. opera misericordiæ, per stellas, quas in dexterâ sua Christus portat, intelligit S. Bonaventura misericordes, conformiter dicto Danielis cap. 12. *Justi fulgebunt sicut stella, in perpetuas eternitates.* Stellæ sunt omnes justi, ast hæc differentia, stabunt alii ad latus Christi, misericordes in dexterâ ejus, in manibus portantur, summè foventur, maximè remunerantur.

CONCEPTUS VI.

Joannes, ut narrat Matth. cap. 11. alegat suos discipulos ad Christum: *Tu es, qui venturus es &c.* nec ita, nec non respondet Christus, sed hoc dictero remittit nuncios: *Dicite Ioanni, quæ vidistis & audistis: Cæci vident, claudi ambulant, leprosi mundantur, surdi audiunt, mortui resurgunt, pauperi evangelizantur.* Hæc mera sunt opera misericordiæ, ex his quid aliud

aliud concludat Joannes, quām me esse Messiam, filium Dei. Ope-
ra ergo misericordiæ probant filios Dei. Electi ergo, certo salvi
erunt misericordes, & primi, amici intimi, quid amplius, & filii,
omnium electorum dilectissimi.

CONCEPTUS VII.

David profugus à facie rebellis filii Absolon, inquit sacer-
textus 2. Regum 15. *Incedebat per viam olivæ: cur viam olivæ*
eligit David? Oliva symbolum est misericordiæ, teste S. Hieronym.
Oleum de radice amaritudinis, surgit in pabulum luminis, in me-
dicinam vulneris, in refectionem esurientis. David in summo
rerum discriminine, faventem sibi Deum exoptat, ad hoc intentum
suum perfaciè obtainendum, gratiam Dei impetrandum, viam
olivæ, viam misericordiæ iniit, & saluti consultit, gratiam Dei,
& succursum obtainuit de cœlo. Optimè citatus purpuratus Pa-
ter: *Quod in refectionem esurientis impenditur, quod curandis*
vulneribus funditur, via est ad calum expedita, ad declinandum
periculum plana; cœlestis gratia redditur misericordiæ pro usura.

CONCEPTUS VIII.

Genesis cap. 8. Noë binis vicibus emisit columbam, primâ
vice extentâ manu eam in Arcam recipit, quasi præmium dans
pro nuncio lato: secundâ vice columba attulit ramum olivæ, &
non amplius in arcam recipitur, sed libera in cœlum avolare per-
mititur. Cur secundò Noë columbam in Arcam non recipit?
Notate: secunda vice columba tulit ramum olivæ, qui olivæ ra-
mus misericordiam figurabat, misericordiæ nunciam & latricem
columbam, non tamen terræ, quām cœli decent præmia; columba,
allato olivæ ramusculo ad arcam non recipitur, sed in cœlum li-
bera avolare permittitur, quia per impensam afflictis misericor-
diam patuit impendi ad olympum via.

Pars II.

(L1)

CON-

CONCEPTUS IX.

Salomon ad Sancta Sanctorum, in templo illo magnifico fecit duo ostiola specialia: *Fecit in ingressu oraculi duo ostiola de olivis*: 3. Regum cap. 6. Cur duo ostiola de lignis olivarum fecit? olei qualitatem consideremus, oleum lenit, mitigat, pingue facit, symbolum est misericordiae; duas portas ad Sanctum Sanctorum, ad oraculum Salomonis ex olivis fecit, discamus: duae patentes portæ sunt ad cœlorum regnum, duplia illa opera misericordiae, temporalis, inquam, misericordiae opera, & spirituale.

CONCEPTUS X.

Prædicat Paulus 1. ad Corinth. cap. 9. *Omnis quidem curunt, sed unus accipit bravium.* Luctatores sumus in hoc arenario mundi, certantes, & belligerantes pro bravio regni celestis possessione, quam tesseram habemus, quod quis certè obtinebit bravium hujus possessionis? explico me terrestri similitudine: olim nudi luctabantur, seque oleo inungentes decertabant, qui ergo magis se oleo inungebat, huic moraliter victoria, bravium quasi certum erat: oleum sunt opera misericordiae, his qui semagis ac magis inungit, plura misericordiae opera perpetrat, huic & certior fatus, ac bravium æternæ beatitudinis indubie promitti potest.

Epilogus.

Hortor ergo cum verbis exordii. Prov. cap. 3. *Miseritudo ac veritas te non deserant, circumda eas gutturi tuo, & desire in tabulis cordis tui, & invenies gratiam.*

Amen.



IN FESTO